



建設總  
署收藏  
圖書之章

黎襄勤公奏議卷三

劄道將府廳州縣合議徐州減水壩事宜

兩江總督

百會  
劉



竊查河防舊制閘壩與堤防並重如遇尋常漲則賴堤防東水以刷沙如遇非常異漲則賴閘壩減水以保堤二者互相為用不可偏廢考之前明及

國初年間江境南北兩岸減水閘壩甚多嗣以形勢變

遷河底逐漸增高舊日閘壩多不可用遂致廢棄但

查豫東河勢南北兩堤相距二三十里灘面寬濶汛

黎襄勤公奏議

卷之三

劄道將府廳州縣合議徐州減水壩事宜

嘉慶十九年九月廿一日

水長發有所容納江境城郭廬舍稠密南北兩堤相

距僅止數里以豫省普面漫灘之水匯入江境本不

能容加以徐州城外河面僅寬八十餘丈上游水勢

至此為之一束每遇異漲即有壅遏之虞即徐州郡

城亦因漲水不能分減危如釜底是以康熙年間靳

文襄公

奏明於北岸大谷山建設滾壩一座蘇家山建設天然

減水壩一座鎮口閘一座毛城舖建設減水壩一座

減水閘一座王家山天然減水閘一座十八里屯天

然減水閘二座保護徐城以上堤工徐城以下復於  
峰山建設減水閘四座王家營建設減水壩一座且  
爲之說曰東水莫如堤然堤有常水之消長無常也  
故堤以東之又爲閘壩涵洞以減之而後堤可保也  
今使上流河身寬廣下流河身不能及半加以伏秋  
暴漲非時霖雨其不至於敗壞城郭漂蕩室廬溺人  
民而滄田畝者幾希今自黃河兩岸建置閘壩隨地  
分洩上既有以殺之於未溢之前下復有以消之於

將溢之際故自建閘壩以來各堤得以保固而無沖

黎襄勤公奏議

卷之三

御道將府廳州縣合議徐  
州減水壩事宜

二 嘉慶十九年  
九月初一日

決也乃不知河道者嘖有煩言不知閘壩原以洩異  
漲之水非所以洩平槽之水雖不無損傷修葺之費  
較之堤工漲潰普面漫溢塞決挑淤經年累月其利  
害之大小何如乎故既有堤防必不可無閘壩也各  
等語靳文襄公之言亦已深切著明矣今大谷山蘇  
家山閘壩北有運河恐致受淤不敢啟放毛城鋪閘  
壩最爲得力因黃河河底漸高上下堤工土性沙鬆  
水勢建瓴動有掣溜之虞如從前之張王莊王平莊  
邵家壩唐家灣皆因其勢太猛致將上下堤工屢次

掣場近年有鑒於前不敢啟放每逢盛漲僅有天然  
峰山二閘減洩該閘口門太窄瀉水無多不能有濟  
前總督部堂鐵保前河部堂吳懋徐端均有修復毛  
城舖之請

欽差協辦大學士長齡戴衢亨前河部堂康基田則請修  
復十八里屯閘座嘉慶十六年本閣部堂到任籌辦  
全河機宜卽慮及異漲難防亟思修復舊制亦有請  
修毛城舖之議上年本閣部堂等又飭淮徐遊擊陸  
允銅沛廳嚴丞查有虎山腰一處兩山夾峙中有口  
黎襄勤公奏議

卷之三

劉道將府廳州縣台議徐  
州減水壩事宜

三

嘉慶十九年  
九月廿一日

門寬二十餘丈其下山根相連以作減水壩可期穩  
妥工費較省減下之水仍由天然閘河匯流下注是  
做毛城舖減水滾壩之法而仍用十八里屯因山建  
閘之意二者相參並非新創本年春間

欽差東河部堂吳懋及本部院黎世序便道詣勘該處因  
山形勢可保無奪河掣溜之虞惟閘河西堰尙須退  
遠另築大堤保護百姓田廬銅山士民以上年水勢  
驟漲徐城危險異常急求減漲之法公同具呈請辦  
而蕭縣士民卽以過水較多與伊一縣不便亦具呈

稟阻是以尙未定議以上三處閘壩雖歷次所議修  
建之處不一其爲亟求減水之意則同河工修守固  
重堤防第堤之高有盡水之長無窮黃河發源數萬  
里千溪萬派之水到處匯歸江境水勢總視萬錦灘  
及武陟縣黃沁二河水報爲憑卽如上年自桃汛以  
至八月黃沁二河每次長水二三四尺下游水勢順  
軌東流並未出槽漫灘以爲安瀾可望迨交九月陝  
省積雨彌月黃沁二河兩日之間據報長水二丈江

境堤工大率新培較之向年增高數尺而水勢積長

黎襄勤公奏議

卷之三

劉道將府廳州縣合議卷三州減水壩事宜

四 嘉慶十九年九月廿一日

不消遂至處處平堤漫堤徐城岌岌可危適豫省唯  
工漫溢下游水勢旋消設雖工無失下游情形實不  
可問此次豫省堵辦睢工及挑河培堤所費不下數  
百萬金卽黃河挽復上年九月之水不能保其不再  
漲發設經再漲揣現在所培之堤仍不足恃豈可坐  
待貽悞卽間二三年漲發一次而二三年堵一決口

國家經費實屬莫支是堤防保護於平時閘壩救急於

呼吸卽遇水小之時閘壩原可以數年不用然不可

一日不備溯查乾隆年間毛城舖減壩未廢之時雖

亦間有決口究屬稀少自元年以後減水壩既廢而決口愈多河病日深今豫省堵辦睢工江境之必須修復減水壩座實爲目前至要之務第宣洩之路皆在各州縣地方民田廬舍不無損傷地方官民各顧一隅卽不免藉詞撓阻要之全河機宜所關豈能有大純而無小疵惟在化其畛域之私見權其利害之重輕詢謀僉同集思廣益本閣部堂等不敢少執已見亦不敢稍涉因循合行通飭勘議劄到該道等卽行遵照詳悉查勘將徐城以上原議減水各地方何處可以修復何處應行改建或就舊有之基而重加培築或師前人之意而少爲變通害則從其輕利則從其重費則從其省工則從其堅凡有所見皆當盡言意見同者聯名呈詳意見不同者單銜具稟本閣部堂等再行體察情形會議具

奏辦理望速望速特劄

嘉慶十九年九月二十一日

黎襄勤公奏議

卷之三

劉道將府屬州縣合議徐州減水壩事宜

五

嘉慶十九年九月廿一日

各道將府廳州縣會議詳稿

附

河庫道伊什扎木素 淮揚道徐承恩 常

鎮道劉澐 代理淮揚道孫茂承 護理徐

州道嚴烜 徐州府知府音德和 河營叅

將劉重 護理淮徐遊擊孔成 署裡河同

知沈植蕃 署外南同知張文浩 銅沛同

知嚴炳 蕭南同知施雲梯 豐北通判程

國樑 銅山縣知縣楊宗智 蕭縣知縣潘

鎔 碭山縣知縣楊欲仁稟

為遵劄會同籌議詳請修復黃河減水閘壩以資防

守事案奉

本部堂會劄內開竊查河防舊制閘壩與堤防並重

等因奉此遵即彼此咨會並行各府廳州縣公同查

黎襄勤公奏議

卷之三

各道將府廳州縣會議詳

六 嘉慶十九年十月三十日

議竊維治河之法不外補偏救弊而立法之善惟在

因時制宜堤防之設所以束水攻沙施之於河身寬

濶之地用之於尋常水長之時閘壩之設所以分洩

水勢施之於河身窄狹之地用之於非常異漲之時

束水以攻沙減水以保堤二者相資不可偏廢雖河

道情形今昔不同前人制度存廢不一而其法要不

可易尤在就現在之情形善用前人之成法必當因

時制宜乃可補偏救弊也黃河挾數千里來源豫省

河身寬二三十里江境豐碭一帶河身亦尚寬一二

十里遇有來水足資容納至徐城上下則南係城郭北盡山崗河身窄處僅寬八十餘丈來水不能暢行東注下壅上潰勢所必然康熙年間

靳文襄公於徐城以上南北兩岸建設毛城舖大谷山兩滾壩水線河天然十八里屯各閘大汛時減洩盛漲保守徐城以上堤工嗣後百餘年間無不遵守成法辦理漫溢雖有而僅見費用難免而不繁近二十年來各閘壩次第淤廢徐城以上僅存天然一閘每年啟放洩水無多遂致水勢壅遏抬高漫堤失事黎襄勤公奏議

卷之三

各道將府廳州縣會議詳稿

七

嘉慶十九年十月三十日

溜緩淤河處處生險年年加堤費用浩繁無所底止其病實由於減洩無路既已目擊揚湯止沸之無成自當力求釜底抽薪之善策職道等恭釋

憲劄切中時弊善法前賢復蒙

虛衷下問敢不共竭管蠡直陳所見查舊制黃河兩岸減水閘壩多係因山創建以防刷深掣溜今河底比前淤高更宜因山建設方有把握北岸大谷山滾壩及蘇家山閘因荆山橋河淤成平陸且有灌運之虞已無從復修南岸毛城舖滾壩曾經



欽差協辦大學士長齡戴衢亨臨勘需費甚鉅且河身淤高土性沙鬆該處非有山石夾峙之勢究虞掣溜未敢輕易修復惟查十八里屯兩閘經

離河甚近減下之水須由天然閘東堰半步店地方刷堤歸入閘河恐有奪溜之虞是以尙未准辦又查出虎山腰地方可作天然滾壩而蕭縣士民具呈稟阻此兩處應行詳細查看再爲籌議

護道煩卑府音

德和叅將重護遊擊成

於十月十八日率同蕭南同

黎襄勤公奏議

卷之三

各道將歸州縣會議詳稿

嘉慶十九年十月二十日

知施雲梯銅沛同知嚴炳豐北通判程國樑銅山縣知縣楊宗智蕭縣知縣潘鎔碭山縣知縣楊欲仁前銅山縣知縣謝玉田本任碭山縣知縣王臺親歷履勘查十八里屯舊閘之底太深可以移於高處改建而減水由東堰歸入閘河並無掣托尙難放心因復細爲相度查虎山腰卽在十八里屯之內若修復十八里屯作減水口門以虎山腰作重門滾壩可收減

洩之功斷無掣溜之患隨卽逐加勘估查十八里屯舊有石閘二座建於石山東西之麓中隔山頂寬三

十餘丈現在山岡已淤沒三四尺舊閘殘損臨黃甚  
近閘底又低斷難復用擬於兩閘之間山坡較高之  
處因山另建閘牆卽以山岡作滾壩中留金門寬三  
十丈以上年九月黃水異漲而計約滾壩可過水七  
八尺洩漲實可得力自壩下起至苗家山大堤止估  
挑引渠添築兩岸束水堤工俾減水由苗家山迤東  
下注由虎山腰歸入閘河以山凹作爲滾壩則過水  
有制無復刷潰之虞其半步店一帶閘河東堰並閘  
河西堰及蕭縣護城堤工一併加高幫寬層層保衛  
黎襄勤公奏議

卷之三

各道將府廳州縣會議詳

九  
嘉慶十九年  
十月三十日

本有象山環繞雖有一二處山隙接築堤工俾以碎  
石卽資攔禦如此變通辦理因前人之意而不泥其  
跡實係因時定制就勢施工極有把握萬無意外之  
虞於蕭縣民舍田廬不致有礙委與減洩機宜大有  
裨益計改建十八里屯及虎山腰壩基挑河培堰約  
需銀二十萬兩又虎山腰外卽係天然閘河其西岸  
民堰歷係民修未能高厚今添十八里屯下注之水  
必須將該堰加高培厚以作蕭縣保障內或就舊堰

加帮或須退後接築約估需銀三十萬兩查向來地方水利工程均係借欸辦理於該縣地畝分年攤征還欸今爲全河減漲機宜並非專爲地方水利起見若仍於各屬民田攤徵未免向隅而徐屬爲積欸之區從前攤徵各欸均係遞年請緩有攤徵之名無歸欸之實此項工程所用銀兩稍多與其攤徵民田有名無實不如作正開銷以昭體恤而紓民力且從前估辦毛城鋪挑挖洪濰河工程需銀百餘萬兩今僅需費五十萬兩較之毛城鋪省費懸殊擬請

黎襄勤公奏議

卷之三

各道將府廳州縣會詳稿

十嘉慶十九年十月三十日

奏明官爲辦理其辦成後隨時修守仍請照例歸於地

方經理

卑職鎔

前因天然開東西民堰單薄連年放

閘民田間被淹浸是以前請修復毛城鋪滾壩不必議復十八里屯實爲地方田疇起見而亦未悉十八里屯及虎山腰兩處形勢可以如此辦理今隨同細勘進黃順黃之路收束關鍵均屬因山建壩經久可恃又勘估帮培東西民堰及護城堤工防患更爲周密事理旣明意見亦甚相同

職道

等會勘時聞河一

帶百姓亦由十八里屯隨同至虎山腰共聞籌商建

築事宜並無閒言護道煩現委豐北通判程國樑會

同參將重暨銅蕭兩縣將闡下東西民堰及蕭縣城

外護堤逐細勘估如河灘本寬即可就舊堰加培以節繁費其河身較窄必應退讓改築計估壓挖廢民地若干俟興築時由縣查明地畝詳請豁免錢糧再查十八里屯一帶間有民房亦應查明間數量給搬移之費俾有棲止之所合併聲明謹合詞繪圖貼說具詳仰祈

本部堂憲鑒俯賜察核

黎襄勤公奏議

卷之三

各道將府廳州縣會議詳稿

十一

嘉慶十九年十月三十日

奏請興修實資利賴俟確估實需工料銀兩另容造冊詳送爲此備由具呈伏乞

照詳施行

嘉慶十九年十月三十日

徐州改建虎山腰減水壩疏

兩江總督百會銜

奏爲詳籌徐城以上因山改建減水滾壩分洩異漲以保堤防而節錢糧繪圖具

奏仰祈

聖鑒事竊查河防舊制閘壩與堤防並重如當常年修守則賴堤防束水以刷沙如遇汛漲非常則賴閘壩減水以保險二者互用兼資不可偏廢而情形有今昔之不同尤當因地制宜隨時設法於河防可期有濟而錢糧不致多糜方爲妥善黃河來源浩瀚豫省河

黎襄勤公奏議

卷之三

徐州改建虎山腰減水壩

十三

嘉慶二十年三月初九日

身皆寬二三十里江境豐碭一帶河身亦尙寬一二十里至徐城一帶南係城郭北盡山崗河身僅寬八十餘丈較上游容水不及十分之一平日歸槽之水尙可流行一遇霖潦不時非常汛漲卽有壅遏擡高之患徐州郡城岌岌可危自徐城以下至邳宿桃清山海一帶河身亦僅寬二三百丈至五六百丈不等加以清口中河兩路來水滙歸頂托江境防守之難實數倍於上游考之歷代河渠諸書及前明潘季馴

經畧兩河各疏無不以多建減水閘壩爲防險保堤

之計康熙年間前河臣靳輔在徐城以上建設毛城

舖滾壩一座天然閘一座於十八里屯地方又建設  
兩閘又於北岸建設大谷山滾壩一座蘇家山閘一  
座徐城以下又建設峰山四閘王營減壩盛漲之時  
相機啟放水落卽行堵閉是於東水攻沙之中並用  
防險保堤之法權宜變通並無偏倚實爲全河最要  
機宜近年河道情形日久更變毛城舖以下之洪灘  
河大谷山蘇家山以下之水綫河均已淤成平陸黃  
河亦漸淤高閘壩口門有建甌掣溜之虞減洩之水  
黎襄勤公奏議

卷之三

徐州改建虎山腰減水壩

三嘉慶二十年  
三月初九日

無循序分消之路十八里屯兩閘久經淤廢王營減  
壩沖跌無存僅存天然峰山兩處閘座洩水無多以  
致大汛水長壅積不消黃河兩岸節節生險屢屢漫  
堤上游漫決一處則下游淤墊一處各處堤工歲歲  
加高仍形卑矮磚石埽壩處處著重未得平安久煩  
宵旰之憂勤多耗

國家之經費其病皆由於有堤防而無減洩不能保守

異漲也歷任督河諸臣無不以籌議修復閘壩爲事

並蒙

欽差長齡戴衢亨臨工查勘因毛城舖情形難恃經費過大未易辦理議請修復十八里屯舊閘並移建王營減壩嗣緣要工疊出籌款維艱僅將王營減壩擇地移建十八里屯舊閘至今未修臣百齡於嘉慶十六年籌擬河防善後各條內卽以毛城舖於江南交界之處減洩保漲最爲得力惟工費稍鉅且壩下挑河築堰尙需會同安徽撫臣查勘應暫緩興辦請將天然峰山及十八里屯各閘以次興修

奏奉

黎襄勤公奏議

卷之三

徐州改建唐厝壩減水壩疏

十四

嘉慶二十年三月初九日

諭旨百齡奏通籌黃運湖河利病擬備善後一摺據古書修復前人成法自不同於臆斷但河工關係重大當師古而不泥古總須參核今昔情形相機籌辦始能動出萬全該督摺內如修復減水閘壩一條黃河堤岸建立減水壩以洩盛漲原係前人良法但所建閘壩必須位置得宜方有利而無害河流遷徙靡常現在距靳輔張鵬翮治河之時又越百餘年其舊跡所在揆之目下河形地勢是否仍能扼其冲要宜洩得宜尙須詳悉勘明始可定議修復等因欽此仰見我

皇上至聖至明準今酌古於講求前人成法之中仍示以

因時制宜之要

臣

等欽感敬佩莫能言喻惟連年以

來搶險頻仍經費支絀未及興辦

臣

等查黃河歷年

水勢因各省旱澇不時水勢大小不等卽如十七年漲水並不甚大汛期卽保安瀾迨至十八年自春徂秋汛漲平穩以爲安瀾可望及至八九月間山陝各省積雨彌月黃沁各河積報長水將至二丈江境河水平堤漫堤之處不一而足適因豫省睢工漫溢下游堤埽得以趕緊補還

臣

等身經異漲益思減洩之

黎襄勤公奏議

卷之三

徐州改建虎山腰減水壩

五

嘉慶二十年三月初九日

方膺服

聖謨更得講求之法到處勘查悉心籌計大抵黃河開壩

因山創建者終久可憑平地創建者易致沖跌必得

另求山勢可借而又有現成引河可用之處庶錢糧

可歸節省而啟放可以無虞因飭通工道將廳營府

縣會同籌議茲據詳稱黃河北岸舊有開壩恐運道

受淤不敢置議至毛城舖減壩雖屬得力而原建之

處本無山勢可憑壩之上下土性沙鬆從前啟放屢

有王平莊邵家壩唐家灣掣溜之事近年河底更高



辦理難有把握且挑河培堰及廂做鉗口各壩需

帑百萬之多工費太鉅十八里屯東西兩閘原借山根

建設金門僅寬三丈五尺減水無多不足專恃且閘

底太低亦難再放惟查該處西南一面衆山環繞中

有丁塘湖湖濱有虎山腰地方兩山對峙中間凹處

寬二十餘丈山根石脚相連可作天然滾壩不費人

工北面臨河卽係十八里屯該處舊有山崗淤入土

中議將該山頂剷平改作臨河滾壩卽以虎山腰作

爲重門擎托有此兩處因山形勢可期穩固因卽將

黎襄勤公奏議

卷之三

疏 徐州改建虎山腰減水壩

六

嘉慶二十年三月初九日

十八里屯山崗之上淤土起除查看兩閘中間山崗

較高之處長有三十餘丈低於灘面三四尺比舊閘

底高一丈六七尺比黃河盛漲水面計低七八尺可

以就勢鑿平於山崗之上另建金剛牆兩座中留口

門寬三十丈作爲天然閘底滾壩俱較比高低適得

其中斷無沖跌加深之患其減下之水由丁塘湖出

虎山腰歸天然閘下引河匯流宣洩自十八里屯至

虎山腰中隔縷堤一道縷堤之外挑挖引渠添築東

西東水堤工縷堤之內各山環接西面王家山舊堰

應幫培高厚俾護碎石東面黃山一處空檔亦須築  
做攔堰俾護碎石縷堤刷開之處砌大石裹頭用碎  
石鋪底以資鉗束而免刷深至天然閘下引河添此  
滾壩減洩之水不免漫灘該處西岸本有攔堰一道  
上自天然閘下至艾山計長九十餘里舊堰形甚卑  
矮土性沙鬆且有離河較近之處必須培築堅厚方  
資保障應將該堰離引河遠者就舊堰幫寬加高離  
引河太近者另估退後接築新堰再將天然閘河下  
游淤淺之處間段疏挑蕭縣城外再築護城堤一道  
黎襄勤公奏議

卷之三

徐州改建虎山腰減水壩

七

嘉慶二十年  
三月初九日

以爲重障統計各工共需銀四十餘萬兩較之從前  
估修毛城舖需銀一百二十餘萬兩估修十八里屯  
需銀九十餘萬兩所用未能及半辦成之後不但徐  
城以上得有寬大滾壩減洩盛漲可保無虞卽下游  
堤埽亦免生險搶辦計其節省實多現據通工道將  
廳營並該處府州縣等會同勘驗衆議僉同具詳請  
辦前來惟當此東南兩河各工多用之後經費實不  
易籌

臣等受

恩深重苟稍爲可緩之工斷不敢驟議請辦惟通盤籌畫

河工大要旣須隄防保護於平時必須開壩救急於  
臨事近年南河之病實由於專事堤防而不修開壩  
現在睢工業已堵合黃流挽歸正河本年大汛瞬臨  
難保必無異漲若不預備減洩開壩竊恐從前之險  
卽在目前與其補苴於事後而費愈多無寧籌備於  
事前而工實省旣目覩揚湯止沸之難憑自應急求  
釜底抽薪之善策且辦成之後水小之年原可以堅  
守不放以收束水攻沙之益水大之時卽啟放亦期  
速堵不致有溜緩沙停之虞有壩則操縱由人無壩  
黎襄勤公奏議

卷之三

徐州改建虎山腰減水壩

六

嘉慶二十年三月初九日

則束手無策壩成原可以數年不用但不可一日無  
備臣等反覆思維若將該處壩工辦成每年大汛減  
水有方工程平穩現在雖費將來所省實多是於前  
人成法之中師其意而不泥其跡就其地而畧變其  
制旣籌有可辦之法何敢因循貽悞上年

欽差吳礪奉

命來江查看湖河事宜旋赴睢工道經徐州臣黎世序曾

與言及並會同前往查勘情形吳礪極以爲然必應  
辦理相應將籌辦情形繪圖貼說據實由驛具

奏仰懇

天恩俯准辦理所需銀兩

臣

黎世序現在另摺

奏請撥還河庫平飯銀一百五十萬兩原爲大汛修防各工之用可以通融支應如大汛工程能於減省則此欵錢糧卽可無庸另撥如或不敷再爲隨時

奏請

臣

等恭候

命下卽派員趕辦務於五月內完工以備大汛之用再查該處堰工向例於民田攤徵還欵第思現在辦理工程爲全河減洩機宜並非爲民田水利起見若於地黎襄勤公奏議

卷之三

徐州改建虎山腰漢水壩疏

十九

嘉慶二十年三月初九日

畝攤徵該處居民未免向隅況徐屬爲積歉之區從前攤徵各欵遞年請緩卽攤徵亦恐一時完納不前此次估辦比之從前估辦毛城舖及十八里屯所省業已過半合無仰懇

皇上天恩俯准作正開銷以速要工而紓民力至辦成之後每年防守仍應照例歸於地方經理其退後築堰如有佔廢民地飭令地方官查明照例准其豁免錢糧另行

題報合併陳明伏乞

皇上睿鑒謹

奏嘉慶二十年三月初九日拜

進三月二十三日奉到

硃批另有旨欽此

嘉慶二十年三月十四日內閣奉

上諭百齡等奏請於徐城以上因山改建減水滾壩一摺  
治河之法隄防與減洩二者不可偏廢近年南河減水  
各閘日漸淤廢遇大汛水長之時驟難消減南北堤岸  
在在可虞該督等議請將十八里屯兩閘中間剗平山  
黎襄勤公奏議

卷之三

上諭

三

嘉慶二十年  
三月十四日

頂留口門三十餘丈作為天然滾壩以虎山腰作為重  
門擎托並於引河兩岸加培堤堰以資宣洩異漲尚可  
因地制宜工歸節省着照該督等所請辦理卽行按估  
興工務於五月內一律完竣其估需銀四十餘萬兩卽  
於此次請撥銀一百五十萬兩內動用事竣核實造冊  
報部作正開銷其改堤作堰有佔廢民地之處查明照  
例題豁該部知道欽此

奏爲節交霜降黃水異常盛長督率道將廳營竭力搶  
護平穩現在瀾漲全消并清水外出衝黃上下游黃  
運湖河各廳普律工固瀾安平成告

慶仰慰

聖懷事竊照河工每年自清明節起至霜降節止爲桃伏

秋三汛水勢長發修防緊要之時本年江境黃河自  
豫省睢工合龍之後卽值桃汛屆臨水勢次第長發  
自清口以下河身經上年清水刷滌比前較深可資

黎襄勤公奏議

卷之三

二十年報安瀾疏

三

嘉慶二十年九月廿八日

容納自清口以上長河五百餘里雖經挑挖引河而  
浮沙未能盡去深恐漲水難容兩岸各工埽壩雖經  
廂修而乾攔一年有餘根底無不剝朽亦恐易於墊  
動是本年防守倍關緊要且南河河身窄狹不及東  
豫之寬舒河流駛入江南夾激奔騰愈形迅猛故每  
值汛漲驟至率多猝不及防 臣等先爲籌計

奏請改建徐城以上十八里屯滾壩以備減洩盛漲並  
請撥大汛工需銀兩分發各廳購備料物以資修守

臣百齡於五月內駐劄清江籌濟糧船渡竣之後卽

值淮黃并漲之時當卽會同臣黎世序籌定修守章程督飭文武各員竭力趕辦迨伏秋汛內上游萬錦灘共計長水九次沁河長水十一次洛河長水兩次滙流下注江境各工水勢亦均長至八九尺及一丈不等各工溜勢提移不定猛驟倍常幸料物應手錢糧接濟隨時極力搶辦并次第啟放天然峰山各閘分洩仰叨

皇上福庇下游歸海河道深暢水勢隨長隨消尤幸洪湖

水勢充裕由清口暢出滙黃東注刷滌淤沙情形極

黎襄勤公奏議

卷之三

二十年報安瀾疏

三

嘉慶二十年九月廿九日

爲順利迨至八月底漲水漸消各工料物經疊次盛漲搶工動用之後所存無幾河庫錢糧逐漸用完臣等恐水勢復有盛漲

奏明預提江寧藩庫額解銀兩以備工用嗣於九月初

起至望間止陰雨連綿據陝州馳報萬錦灘於九月

十一日陡長水三尺五寸武陟縣馳報沁河於九月

十一日陡長水四尺二寸鞏縣馳報洛河於九月初

九日陡長水一尺五寸同時并漲江境黃河自九月

初四五日起水勢見長至二十二日各工積長水八

尺餘寸至九尺一丈有餘不等非但比本年伏秋盛漲較大二尺餘寸且徐城以上較之嘉慶十八年九月內異漲之水尙大尺餘長河兩岸均已漫灘浩瀚之形詢之通工年老兵民皆稱二十餘年所未曾見幸堤工一律培高足資攔禦兩岸各廳埽工并徐城石工均將平水各廳馳報情形喫緊臣百齡卽自江寧星夜馳抵清江會同臣黎世序分投督率搶護徐

州道嚴煇見水勢積長逾常卽將新建之十八里屯

滾壩啟放分洩通工各道將廳營及文武汛委員弁

黎襄勤公奏議

卷之三

二十年報安瀾疏

三

嘉慶二十年九月廿八日

晝夜梭織巡防分投搶護上自豐碭下至桃源兩岸

長堤風浪撞塌堤根之處均督令趕廂護埽防風各

工平水入水蟄塌埽段亦令漏夜搶廂晷刻不容停

手其邳北廳屬之宋家灣工尾宿南廳屬之化村舖

迤下溜勢均以迅疾下移刷動堤根俱分別趕廂新

埽以資抵禦其餘各廳或蟄走埽段或溜激搜堤而

水勢拍岸盈堤千里長河險工林出幸自九月十七

日以後天色晴霽風暴不作搶險各工得以竭力撲

護大河水勢自啟放十八里屯滾壩之後各工漸見



消動至二十七日已消五尺七寸上下各工一律平安此皆仰賴我

皇上至德感孚

神靈默佑故當黃水異漲各工極險之際天氣忽放晴和并無暴雨疾風工員等得以應手搶廂全河保護平安<sub>臣</sub>等欽感之餘倍深敬畏竊念南河自嘉慶四年邵家壩唐家灣漫溢之後大工疊出迄無安歲而淮水匯入洪湖堰圩危險五壩屢見衝塌跌塘禦黃壩外淤沙高仰抵遏淮水不能外出以致裡河揚河黎襄勤公奏議

卷之三

二十年報安瀾疏

三

嘉慶二十年九月廿八日

揚糧各廳漫溢頻仍下河州縣幾成澤國十餘年間累民費

帑不可勝言<sub>臣</sub>等任事以來遵奉

睿斷大闢海口接築長堤以利黃河尾閘之宣洩復挑辦老壩工逢灣取直去黃河腸胃之梗結又將裏河頭二三壩收攏口門鈴束清水使有節制并接長蓋壩鑲爲磨盤埽以逼湖水使之北出衝黃凡此皆仰秉宸謨次第舉辦以致本年睢工合龍黃河挽正之後伏秋

汛內異漲逾常而洪湖亦同時漲滿<sub>臣</sub>等查核底案

較之往年漫溢生工之水大至二尺有餘而淮黃各廳得以工穩波恬居民安堵實由河身底淤漸去海口淺阻已除故旋長卽消曾無留滯又查從前於重運過竣後卽堵閉禦黃壩以免黃水倒灌運河本年自重運渡黃禦黃壩亦毋庸堵合清水刷黃得勢二瀆順軌朝宗凡蓄清敵黃之方漸已克符古制且本年河身經此異常盛漲之水刷蕩三次愈見深通從此加意修守一切仰遵

聖訓指示施行似可永慶平成長蒙

黎襄勤公奏議

卷之三

二十一年報安瀾疏

嘉慶二十年九月廿八日

樂利臣等惟有凜戒工員毋許以工穩瀾安稍生懈弛時

時敬慎竭力巡防以祈仰副

聖主睿厘

神祇助順之庥於萬一其邳宿運河亦因上游久雨水驟發陡長水八尺餘寸各閘越壩平水漫水現在亦已漸消回空漕船自八月二十七日行入江境起至現在止計入境船三十五幫已渡黃二十五幫過行無阻至此次搶護工程錢糧實不免過費預提江寧藩庫銀兩尙不敷用臣黎世序復就近於淮安關

庫咨借銀五萬兩應用工需始得無悞因事關呼吸不及先爲具

奏可否仰懇

恩慈卽准其撥用以免另請撥發還欸之煩伏候

聖明鑒奪現在霜降已過本年三汛得保安瀾謹合詞恭

摺由驛

奏慰

聖懷伏乞

皇上睿鑒再九月二十二日節交霜降例應

黎襄勤公奏議

卷之三

二十一年報安瀾疏

奏

嘉慶二十年九月廿八日

奏報安瀾因值水勢盛漲修防緊要之時不敢冒昧上

陳俟水落工平方敢具奏是以稍遲合併陳明謹

奏嘉慶二十年九月二十八日拜

進十月十二日奉到

硃批另有旨欽此同日承准嘉慶二十年十月初四日內

閣奉

上諭百齡等奏節交霜降普慶安瀾一摺本年江省黃運

湖河伏秋汛內屢經異漲霜降後黃水猶積長一丈有

餘仰賴

天恩

神祐日色晴霽漲水漸消各工悉臻平穩叩謝之餘倍深  
欽感百齡黎世序督率道將廳營晝夜搶護辦理妥協  
實屬可嘉百齡黎世序俱著交部議敘黎世序並著賞  
戴花翎以示獎勵此次搶護工程該督等因預撥江寧  
藩庫錢糧不敷應用就近在淮安關庫咨借銀五萬兩  
著卽准其撥用該部知道欽此

黎襄勤公奏議

卷之三

上諭

三

嘉慶二十年  
十月十二日

籌畫修復南河下游減水閘壩疏兩江總督百會銜

奏爲籌畫南河下游減水閘壩亟宜修復以備宣洩湖河異漲永期工固瀾安仰懇

聖恩俯准興辦事竊查南河河身自徐州以下漸形窄狹

較之豫省堤防兩岸相距不止減少一半每至伏秋

大汛屆臨盛漲之水奔逸出槽自河南行過徐州由

寬入狹實有不能容納之勢是以康熙年間前河臣

靳輔於黃河兩岸上自豐碭下至清江節節建設減

水閘壩考之成書不下十餘處故能保守堤岸相機

黎襄勤公奏議

卷之三

籌畫修復南河下游減水閘壩疏

三

嘉慶二十一年正月二十四日

啟閉永慶安瀾嗣因北岸挑開中運河後糧船得以

對渡過行而黃河北岸閘壩恐以減落黃水串入運

河遂將北岸減水之區悉行廢閉全賴南岸閘壩宣

洩以爲大汛分消近數十年以來河底日漸淤高尋

考往日閘壩基址或以淤沒已久不可復開或以口

門過低防其掣溜率多不能舉辦惟賴上游天然峰

山二閘稍分黃漲每當汛水屆臨猛盛異常而旁消

路少堤單河窄深以湧溢爲虞臣等遞年相度情形

亟須多籌宣洩以保堤岸特於上年奏蒙

聖恩俯准於徐州上游就十八里屯舊基添建滾壩適值  
秋汛異漲開放減水上游廳汛始保無虞彼時下游  
淮揚一帶清黃並漲爲十餘年來未有之大直至霜  
降節後猶復拍岸盈堤非常危險仰賴

皇上洪福

河神顯佑風浪不起瀾水全消

臣

等驚怖之餘慶幸

出於意外推原其故實由下游無路分減故徐州一

帶雖報落水而清江以下仍復壅積不消且十八里

屯滾壩及天然閘峰山閘減落之水仍由引渠一路

黎襄勤公奏議

卷之三

嘉慶修復南河下游減水閘壩疏

完

嘉慶二十一年正月二十四日

澄清歸入洪湖黃漲雖得分減而少衰湖濬則因增

添而日盛清江爲清黃交滙之處淮黃兩路彙注浩

瀚異常加以中河承受東省蒙沂之水或值一時同

漲則清江一處吸引三股大川卽海口現在十分暢

通亦虞受納過多一時宣洩不及數百里堤岸處處

皆形著重實堪惴懼必須於下游籌畫減水之區始

足以保堤工而資引注

臣

等不敢以上年水勢異漲

獲保安瀾卽希冀嗣後漲水不更猛迅稍存節省微

幸之見

臣

等自上年霜降後卽督同道將廳營悉心

講求下游分洩之處惟查有外河北岸王營減壩係前河臣靳輔建設於減洩黃流引疏清水最爲得力而洩黃漲卽所以洩湖漲洩湖漲卽所以刷河身實係導黃導淮第一機括因該壩於嘉慶十一年衝塌壩底經

欽差前大學士戴衢亨等臨工會勘

奏請移建並添設二壩前河臣吳敬請銀興辦久已完

工第壩身雖已堅固可放而盛漲之水由壩減入鹽河勢必猛驟其鹽河兩岸堤工日久未修皆形卑薄

黎襄勤公奏議

卷之三

嘉慶修復南河下游減水閘壩疏

三

嘉慶二十一年正月二十四日

必須一律加高培厚方可攔束水勢其河勢逢灣迎溜之處亦須廂做護埽以禦溜勢撞刷尙有間段淤淺之所尤應估挑寬深並相地添築格堤以爲攔約至減壩外臨黃堤埽亦須預爲啟拆盤做裏頭庶緩急啟放之時得資鉗制臣等督同文武詳細商酌俱以此處爲下游最要關鍵不敢以惜費而稍事因循且從前改建石壩已費銀四十餘萬兩若久廢不用則前此

帑項竟屬虛糜且全河要機斷難坐失反覆籌酌衆議

僉同臣黎世序卽飭道將等核實查估計各項官辦工程需銀六十萬餘兩其鹽河兩岸官堤以下民堰培築工程係爲護衛民田估需銀八萬餘兩例歸民修應由藩庫借欸攤徵辦理第恐藩庫輾轉撥解遲延而民辦工程未能堅實亦請歸併於減壩挑築工程案內發銀派員修辦仍由藩庫撥還分作十年攤徵歸欸以速要工而抒民力以上總共需銀六十八萬兩仰懇

聖恩俯准於就近藩關各庫撥給解工以便趁此春融趕

黎襄勤公奏議 卷之三 籌畫後南河下游減水 三 嘉慶二十一年正月二十四日

爲挑築購料廂做於三四月內完竣以備伏秋盛漲減洩之用仍由臣黎世序督率工員樽節辦理核實報銷如蒙

俞允則全河上下游浥注機關得以操縱由人卽遇異漲

驟臨宣防亦稍有把握至鹽河亦爲運鹽運柴要道或恐減黃行水之後稍有停淤亦無難隨時挑挖且黃河有此分洩漲水不致倒灌運口則清水長可暢出刷黃亦永無溜緩沙停之弊實爲有利無害之舉臣等因籌備湖河異漲起見不敢因循貽悞上負



委任鴻慈相應將籌辦情形分別繪圖貼說恭呈

御覽伏祈

皇上訓示遵行再徐州以下峰山四閘本係因山建設歷年減黃甚為得力惟頭閘四閘一半因山一半建於平地現在河身較舊時淤高恐敢放後水勢過陡卽有塌寬掣溜之虞是以歷年只啟二三兩閘其頭閘四閘未敢輕放以致洩水無多臣等督飭道將等再三勘籌查該處頭二閘之間有龍虎二山兩山中間空檔約長二十餘丈係屬平崗石脊彼此相連較高黎襄勤公奏議卷之三籌畫修復南河下游減水閘場疏至嘉慶二十一年正月二十四日黃河灘面三四尺稍加剷削平正卽可作為天然滾壩盛漲則聽其漫壩而過水落則自然斷流可抵頭四兩閘分洩之水而所費僅需數千餘兩臣等已飭該管道廳妥為辦理特另行繪圖貼說附呈

御覽合併陳明為繕摺由驛具

奏伏祈

皇上睿鑒謹

奏嘉慶二十一年正月二十四日由驛拜

進二月初七日奉到

硃批戶部速議具奏欽此

再臣等正在繕摺拜發間接奉

上諭百齡等奏凌汛工程平穩一摺河工爲國家重大之務上年三汛安瀾兆民樂業國用亦多節省朕召見吳璥據云此次河底刷深可保十年無事百齡等在彼目擊情形自亦相同但不可因此遂心存自滿

天道戒盈百齡等總當常存敬畏刻刻加意修防方能有備無患現在河口海口俱各通暢湖水高於黃水足收敵黃之效運河水勢深通重運首帮早已渡黃事機極爲

黎襄勤公奏議

卷之三

籌畫修治南河下游減水閘壩疏

三

嘉慶二十一年正月二十四日

順利此時要務惟當將兩岸堤堰逐處留心察看如有卑薄殘缺之處卽時補築一律堅固雖無工處所亦不可大意平時補苴罅漏所費錢糧不過千百而太平無事則所省不可數計該督等常念未雨綢繆防患未然自能永慶安瀾也等因欽此臣等跪讀之下仰見

皇上保泰持盈於

天心福佑之深猶以寅畏嚴恭

諄諄示誠

臣

等實不勝欽感悅服莫可名言伏念河務

關係國計民生但能保固安瀾雖一時稍費而所省

實大年來海口通暢河底刷深現在清水高於黃水  
二尺餘寸禦黃壩亦無須堵閉實爲十餘年來所未  
有而臣等仰蒙

皇上屢次訓誡從未敢稍存絲毫自滿之心刻刻諭飭道  
將廳營總以思患預防爲急勿因上年水大瀾安卽  
微有徼倖滿假之意因長河汛水漲盛無定是以亟  
求下游宣洩之處另摺

奏懇修辦減壩以下河道以備分減異漲永保堤工并

將春修土工壩臺俱令比照上年極大水痕擇要加

黎襄勤公奏議

卷之三

等書修復南河下游減水閘壩疏

三

嘉慶二十一年正月二十四日

培以資障禦而數月以來黃河河底刷深湖水奮迅  
外趨尤爲全河最好機會現在禦黃東清二壩口門  
均收存十丈有零但清水外出愈刷愈深禦黃壩口

門水深至七丈餘尺束清壩亦深至五丈餘尺是以

湖水仍逐漸消落臣等計算糧船於四月內渡黃完

竣爲期三月有餘之久誠恐湖水消多桃汛之後黃

水必漸增長彼時黃強淮弱恐致仍有倒灌之虞不

可不先事籌備以期防患於未然是以嚴飭護理淮

揚道沈植蕃督率裏河廳營將束清壩再爲收攏一

占僅留口門七丈不得以水深工陡用料稍多或存畏難之見以致將來臨事周章所有現在具

奏急應修辦各工一俟奉

旨准撥錢糧到日卽當飛催解工趕緊興辦務期處處結實穩固以仰副

聖主厯念河防之至意謹附片奏

聞謹

奏嘉慶二十一年正月二十四日由驛拜

進二月初七日奉到

黎襄勤公奏議

卷之三

籌畫修復南河下游被水開端疏

三

嘉慶二十一年正月二十四日

硃批常存敬畏永慶安瀾勉之欽此

峰山改閘爲壩疏

兩江總督孫會銜

奏爲睢南廳屬峰山閘外河近溜湧守堵兩難擬就山勢添鑿減水滾壩以護閘座而宣盛漲恭摺

奏祈

聖訓事竊照南河大汛盛漲之時必須籌備減洩之路嘉

慶二十年蒙

皇上天恩准飭添建徐州虎山腰減水滾壩二十一年於

睢南廳屬峰山四閘之外龍虎二山中間鑿作天然

滾水石壩均備大汛應時啟洩皆係就山開鑿石根

黎襄勤公奏議

卷之三

峰山改閘爲壩疏

三

嘉慶二十三年十一月初九日

堅固底高口寬啟放最爲得力宣洩益有節制至水落歸槽時自然斷流不須堵閉且免抽分大河北水俾下游無溜緩沙停之虞因得疊慶安瀾實已著有成效此皆仰賴

聖恩高厚不惜鉅萬

帑金凡所以衛護民生者期於周備無遺官弁兵民莫

不同聲感頌伏查峰山四閘係康熙年間前河

臣靳

輔所建嗣因頭四兩閘掣水過猛患其奪溜自嘉慶

元年以後閉而不啟祇放二三兩閘俾資減洩所有

新鑿龍虎山滾壩卽以抵頭四兩閘之用其二三兩  
閘之外向各築鉗口柴壩之外又築臨黃土壩爲重  
門保障然止料土築成非有山根石脚者可比啟放  
時恒恐掣溜過大閘身稍有挫失追溯四閘勦建之  
始河身尙低卽遇盛漲漫灘之水由壩入閘僅過水  
數尺原與滾壩無異迄今一百餘年河底日漸淤高  
大汛開放時兩閘金門水深至二丈有餘以致外壩  
內閘過水之處無不十分吃重又從前河勢北灣離  
閘座有五六百丈之遙由倒鉤形勢分注二三兩閘  
黎襄勤公奏議

卷三

峰山改閘爲壩疏

三

嘉慶二十三年十一月十九日

路迂溜緩尙覺稍有把握近年河身南臥逼近壩門  
因將閘牆埽壩疊次加高培厚乃本年啟放時水勢  
湧注閘牆只出水尺許若非前次加築四層勢必漫  
出閘牆之上設有閃失之處奪溜堪虞所係於全河  
關鍵匪細幸經該廳營等竭力搶脩鉗口壩埽防守  
閘隄克保平安總因河身高下今昔懸殊節宣難合  
機宜啟閉益形費手但下游各工皆藉此處減水護  
堤又未便堵閉不放欲別籌宣洩之路非得天然形

勢亦不敢輕議興作

臣 黎世序

與徐州道嚴烜及叅

遊廳營等逐細講求周迴揆度查得峰泰兩山之間  
山坡石脚相連中間空檔約寬二十餘丈可以就勢  
鑿鑿作爲滾水石壩將臨黃土壩幫寬外廂護埽卽  
以鑿山之碎石將臨黃壩兩面包砌堅固永不開放  
俾水由滾壩下注遞達二三兩閘旣於前人舊制無  
所更張而閘外添此一層天然滾壩鉗束進水得有  
節制水退自然斷流不致抽分大河水仍可併力  
刷滌下游河身而閘座亦可免閃失之患實屬一舉  
而數善兼備

臣

黎世序

與道將等籌計萬全無逾於

黎襄勤公奏議

卷之三

峰山改閘爲壩疏

三

嘉慶二十三年  
十一月九日

此因飭令詳勘確估計鑿鑿山根土石及幫寬臨黃  
土壩外廂護埽兩面包砌碎石又加高閘牆閘後土  
堤及頭閘堰壩一律加培高厚並包護碎石約共需  
銀三萬餘兩查該閘常年啟閉每年須用銀一萬四  
千餘兩及一萬六千兩不等今就山勢鑿成滾壩以  
目前而計費用未免增多但滾壩旣成每年可無廂  
修啟閉之費以後之搏節實爲不少於遵守成式之  
中稍爲變通經久之法統計

帑項工程實覺兩有裨益茲據該道將通稟請辦前來

臣孫玉庭 日前到浦會

奏安瀾之時與臣黎世序 反覆籌商意見相同合無仰

懇

皇上天恩俯准飭辦臣等卽於歲修項下給發銀兩督率

道將廳營趕緊妥速辦理務於來年大汛前一律完

竣俾長河盛漲時得以有備無患永戴

平成之德於靡旣矣臣等愚昧之見是否有當謹繪圖貼

說恭

呈

黎襄勤公奏議

卷之三

峰山改闢爲塘疏

三  
嘉慶二十三年  
十一月初九日

御覽伏乞

皇上睿鑒

訓示謹

奏嘉慶二十三年十一月初九日拜

進於十二月初一日奉到

硃批載均元吳璫會議具奏欽此

奉

上諭前據孫玉庭等奏睢南廳屬峰山閘外河近溜湧請

就峰泰兩山之間添鑿減水滾壩以護閘座當交戴均



元吳敬會議具奏茲據覆奏應照所請辦理峰泰兩山之間鑿建滾水石壩分減盛漲可免奪溜之虞着卽照議趕緊興修於來年大汛前藏工以備宣洩其臨黃壩兩面俱包砌碎石一節着照戴均元所議於臨黃一面廂築護埽用碎石包砌足資抵禦其南面平水無溜毋庸包砌以歸撙節該督等卽核實辦理毋庸浮冒工竣報部核銷欽此

黎襄勤公奏議

卷之三

上諭

旱

嘉慶二十三年十二月初一日

黎襄勤公奏議卷三終

男

學淵  
學澄

校字

